



涇州誌

選舉誌

賓興之典自古爲昭而選舉之法代各不同或賦鹿鳴詩  
囊脫秀才之類或飲螭頭酒袞補

天子之裳燄射奎婁名馨月且尚矣涇應闢門之典者始於  
元代至正而本朝選止鷹揚夫懸曜列宿而象緯昭蘊玉  
藏珠而山澤潤處此山靈水秀之區或有奮焉興起者乎  
予不能無後望焉志選舉

一進士

涇州誌

六

選舉



元

閻仲賢 至正十三年進士延安府知府

閻小花 至正二十五年進士監察御史

明

閻鉦 成化壬辰進士贈禮部尚書傳詳鄉賢

王珏 永樂庚子科辛丑進士授監察御史

何宗賢 成化庚子鄉魁辛丑進士授直隸廣德州知州陞山西按察司僉事

閻潔 成化丙午鄉魁癸丑進士授監察御史陞山東按察司提學副使

何宗理 治已酉科庚戌進士歷山東布政司參議山西按察副使

一舉人

明

閻斌 洪武乙卯科授山東膠州知州仲賢子

張亨 永樂己酉科授江西南昌府通判

梁秀 永樂丁酉科授江寧縣知縣

廣漢陽府照磨

常經 正統辛酉鄉魁

何元 正統丁卯科歷湖廣襄陽府知府

溫和 天順己卯科授山西稷山縣知縣

曹忠 洪武丁卯科授河南衛輝府推官

樊璉 永樂辛卯科授鴻臚寺序班遷典儀正

楊普 正統辛酉科授大同王府教授遷湖

劉潮 正統辛酉科授河南輝縣知縣

王欽 正統丁卯科授山西大同教授

湯景 普子天順壬午科授四川南部知縣調山

涇州志

下卷

選舉

二

西絳縣知縣

何正 天順壬午科授直隸涿州知州

劉聰 成化戊子科

楊璩 成化戊子科授四川青神知縣

劉璩 成化戊子科

何普 成化甲午科授四川布政司理問

閻銳 成化癸卯科

閻鑑 治壬子科歷貴州思南府知府有惠政

魏宗仁 治壬子科

溫應璧 治乙卯科歷山東濟南府同知

魏繼盛 治戊午科授山西陵川知縣

楊天錫 治甲子科授河南彰德府推官

王紳 正德庚午科授山西平陸縣知縣

李麒 正德乙卯科授山西陵川知縣

李發 萬甲子科授山東青州府同知

高薦 崇壬午科

景萬年 崇壬午科副榜

歲貢

郝義 授山東泗水知縣

趙思恭 授河南按察司經歷

何敬 授四川烏撒衛知事

李時中 授直隸無為州知州

趙敏 歷刑部員外郎

魏玘 授湖廣蘄州判

李毅 授山西榆次縣丞

史新 授湖廣辰州府照磨

閻瑛 授孫班贈知

府訓子有方三子鉦銳鎧俱登科第以上正統年貢

楊誼 授直隸武清知縣

趙翥 授福建延平府照磨

景榮 授寧國府照磨

閻通 歷湖廣澧州知州以上景泰年貢

何福 授山西武鄉縣主簿

李元 授四川潼川判

張瑛 授山東陵縣丞

楊秀 授直隸博野丞

趙普 授直隸雞澤知縣以上天

順年  
貢

魏昇 授山西高平縣丞 賈璇 授直隸雞澤縣丞 劉伋 授朔州判

羅綺 授四川中興縣丞 張和 授順天大興縣丞 劉浩 授河南洧川縣丞

王翼 授山東費縣主簿 文慶 授四川鹽亭知縣 李睿 授山西絳州州同

李寧 授山東棲霞縣丞 雍和 授山西沁州吏目 李睿 授山西絳州州同

閻鏞 授徽州府經歷 史賢 授河南汲縣知縣 王演 授四川盧山縣主簿

楊玘 授山西祁縣縣丞 王淪 授河南杞縣主簿 王演 授四川盧山縣主簿

陳道 授山西沁州判 杜舉 授代府審理正 梁通 授四川合江縣主簿

孫雄 授山東淄川縣主簿 譙景高 授山西知縣 張皞 授肥鄉縣主簿

鄭忠 授四川江主簿 厲瀛 授湖廣竹山知縣 張鼎 授雲南吏目

閻鏞 治以上年貢 高嵩 授四川邛州吏目 張懋 授四川大足訓導

劉繪 授四川遠知縣 趙芳 授四川建昌衛經歷 樊銳 授山西縣丞

劉漢 授山西學正 趙文昇 授山西陽府照磨 文術 授湖廣都司經歷

張泰 授山西陽知縣 雍文昇 授山西陽府照磨 文術 授湖廣都司經歷

王紹 授新城縣主簿 李純 授山西絳州判 李祿 授壽陽縣丞

史禮 授河南孟縣丞 王學 授山西絳州判 李任 授壽陽縣丞

任綠 授直隸縣丞 李結 授直隸縣丞 李鸞 授壽陽縣丞

許仁 授江陰縣丞 王朝琮 授山西榆次主簿 任釗 授四川眉州

選舉

景純 河南祥符縣主簿 高岑 山西孝義縣教諭 石泉 山東蒲台縣主簿

楊相 東明縣主簿 石廷爵 清豐縣主簿 任鑄 山西太原府經歷陞四川

忠州判

馬世祿 直隸武強知縣 郭忠 何璋

張蘭 高崑 李吉陽

閻漳 閻宗周 樊世隆

張慶禮 尚廷臣 魏滄

郭孟陽 四川忠州吏目 許自新 趙一正

王藩 李廷玉 孫麟

王天爵 授山東府訓導 崔世俸 馬駢

王司惠 任朝臣 任顯 以上嘉靖年貢

李守經 授直隸保定清苑縣知縣 李棫

任允弟 陝西咸寧縣教諭 王紀 授貢山西絳縣知縣 王纘 四川崇寧縣訓導

楊文昭 授貢南直含山縣知縣 任允忠 授漢中府教諭以上萬曆

年貢

李樸 授貢廷試知縣 任則榮 授貢授山東濟寧州州判

許尚 授貢授雲南尋甸府知府以上天啓年貢

蕭俊 授四川叙州府鹽大使致仕歸養崇禎七年流寇掠涇州城陷狗難奉上旌表公議祀鄉賢後因大

果 變不

王室和

授金縣教諭

楊

鏞

授正定府通判

文三畏

授河南永寧縣典史

蕭傑

授河南開封府杞縣雍丘驛驛丞以上崇禎年貢

一本朝恩拔歲貢

自國初至康熙年名次多缺無考

恩貢

石中球

康熙三十六年

任

果

康熙四十七年

趙守先

雍正元年

楊起任

雍正二年

任

植

乾隆元年

毛詩傳

乾隆十五年

趙錠

乾隆十五年

劉砥柱

乾隆十六年

拔貢

李燦然

順治三年湖廣鄭陽府知府

任周鼎

順治五年山東安丘縣知

縣陞四川威州知州

章正宸

康熙十一年

文玠

康熙二十五年

李煊

康熙年

文斐

康熙年

史珥事

雍正元年授岐山縣教諭

文效蘇

雍正三年

李生元

乾隆六年

歲貢

文光復

順治五年貢授陝西西安府郃陽縣訓導

李春白

順治十年貢初授寧夏商學訓導康熙元年陞浙江烏城縣知縣在任一年民歌來暮

高應軒

順治年

李沛春

順治十三年商州學正

王象極

順治十八年

高應輦

康熙三年鳳翔府教授

張偉績 康熙六年  
張偉畧 康熙九年  
王作梅 康熙九年

高應轍 康熙十年  
王承基 康熙十九年  
西鄉縣訓導

趙賓 康熙二十年  
李作糖 康熙二十二年  
田國本 康熙二十八年  
鳳縣訓導

李作柄 康熙三十年  
劉澤遠 康熙三十年  
李麒鳳 康熙三十一年

趙世英 康熙四十三年  
張鵬程 康熙四十七年  
成縣訓導

文佩 康熙四十八年  
寧羗州訓導

李大捷 康熙四十九年  
三水縣訓導

景先覺 康熙五十四年  
賀大年 康熙五十六年

李品遴 康熙五十八年  
李榮 康熙五十八年  
王錄 康熙五十八年  
雞縣訓導

魏功懋 康熙年  
李杰遷 康熙五十八年  
吳堡縣訓導  
張芳葉 康熙年

李翊鳳 康熙年  
李杰遷 康熙五十八年  
吳堡縣訓導  
景先哲 康熙十年

王繼忠 康熙五十九年  
蕭煥 雍正年  
何天定 康熙十年

王振家 雍正年  
蕭煥 雍正年  
何天定 康熙十年

劉漢宗 雍正四年  
王振基 雍正年  
李翻鳳 雍正六年  
華陰縣訓導

楊栢 雍正七年  
高瑄 雍正年  
蕭振聲 雍正八年  
澄城縣訓導

甘注 雍正十年  
范學淹 雍正十年  
商州訓導

李丕榮 雍正十一年  
文遵泗 雍正十三年  
甘泉縣訓導

李燠 乾隆元年  
朱崇文 乾隆三年  
魏晉 乾隆四年

王勤 乾隆六年

李烜 乾隆六年

景璋 乾隆七年

樊綦 乾隆七年

高正中 乾隆八年

王宗文 乾隆九年貢  
河縣訓導

史文燦 乾隆十年

葛如芟 乾隆十一年

尹待厚 乾隆十二年

張丕基 乾隆十三年

史映槐 乾隆十三年

趙經普 乾隆十五年

王者佐 乾隆十六年

王偉士 乾隆十七年

樊國佐 乾隆十八年

一武科

文有聲 順治庚子  
辛丑進士

完顏登甲 乾隆戊午

完顏登第 乾隆辛酉

魏會 乾隆辛酉

王峻德 乾隆丁卯

完顏旺 乾隆癸酉

一薦舉

閻文仙勅之裔至順間舉茂才為隴西令

任計至正間舉茂才

何溥至正間舉茂才

一學校 附貯書

歲貢三年二舉

歲科連考文章各額取十五名歲考武童額取十二名入

學

一廩生三十名

每名歲支餼糧三兩二錢共銀九十  
六兩遇閏加銀三兩五錢八分一釐

一尊經閣貯書

上諭一部

朱子全書六部 每部三十二本

書經六部 每部二十四本

詩經六部 每部二十四本

春秋六部 每部二十四本

性理六部 每部五本

十三經一部 共十套

二十一史一部 共四十套

駁呂留良四書解義一部

聖諭廣訓一本

明史一部

諭旨錄一部

新頒科場條例一部 共五本

御製四書解義六部

西番館譯語一本

御纂周易折中六部 每部十本

高昌館譯語一本

欽定四書文六部 每部十二本

西天館譯語一本

欽定科場條例二部 九本

回回館譯語一本

上諭四部 每部十本

上諭五部 每部十本

大清律一部

一學宮祭器

帛篚二十

磁爵三十九

銅爵一百四十七

登一

銅一十八

簋一百六十四

簋一百六十四

籩五百八十六

豆五百八十六

壺樽一勺一

銅罇三

牲俎二十 架二

雲雷樽一

祝文牌一

一樂器

百六十四

琴八

絃軸全囊

瑟二

絃全

搏拊二架

麾幡二

紅緞幡二架

琴八

絃軸全囊

瑟二

絃全

搏拊二架

祝一

幡二

敵一

架

簫三

鳳簫二

總

洞排簫二

套穗各二

笙四

套穗各四

箎二

穗

塤二

金鍾九

繫九架一穗二

玉磬十六

繫全架一穗二

應鼓

架一

小把鼓一

一舞器

節二

龍頭十六

羽十六

干十六

架十

戚十六

架十

木寫拐

武備誌

武有七德曰禁暴戢兵保大定功安民和眾豐財噫盡之矣涇自設郡以來素號嚴疆而襟帶秦隴尤為歷代用武重地嚴慈並用唐之敬德子儀也文武兼資宋之韓琦范仲淹也涇河洗甲狼蠟暗於通宵官壘昭弓虎牙闕於終日鋤芸綠野鏡淨潢池不能無望於干城之選者志武備

一營制

涇州營

坐落城內東北隅原設守備一員康熙十四年後奉裁

城守千總一員

外委把總二員

屬慶陽協長武營隸固原提標

馬戰兵二十名 步戰兵二十名 守兵四十五名

一塘汎 管二汎 六塘

靈臺汎外委把總一員 崇信汎外委把總一員

本營東路四塘

二十里舖塘 塘兵五名 三十里舖塘 塘兵五名 瓦雲驛塘 州東五十

里塘兵五名 張村舖塘 州東六十五里塘兵五名

本營西路二塘

十五里舖塘 塘兵五名 王村鎮塘 州西三十里塘兵五名

大教場 長一百二十步寬八十步在城北 小教場 八畝五分係州城東濠有卷存工房

吏役誌

府史胥徒備於周官有常職者有常祿固昭代耕之義而考滿銓用者更邀

國家酬庸之典但憑勢易以作成而假公每以濟私社鼠城狐是又在乎駕馭之得其道耳誌吏役

一典吏

州典吏六房各一名 倉房典吏一名 承發房典吏一名

州判典吏一名

吏目攢典一名

儒學攢典一名

一知州衙役

以後衙役工食惟馬快每名歲支銀十六兩八錢其餘每名俱支六兩

門子二名

歲支工食共銀一十二兩遇閏加銀一兩

皂隸十六名

歲支工食共銀九十六兩遇閏加銀八兩

馬快八名

歲支工食共銀一百三十四兩四錢遇閏加銀一十一兩二錢

民壯五十名

歲支工食共銀三百兩

新設捕役八名

工食在快壯二班撥給

禁卒八名

歲支工食共銀四十八兩遇閏加銀四兩

轎傘扇夫七名

歲支工食共銀四十二兩遇閏加銀三兩五錢

庫子四名

歲支工食共銀二十四兩遇閏加銀二兩

斗級四名

歲支工食共銀二十四兩遇閏加銀二兩

一州判衙役

門子一名

歲支工食銀六兩遇閏加銀五錢

皂隸六名

歲支工食共銀三十六兩遇閏加銀三兩

馬傘夫二名

歲支工食共銀一十二兩遇閏加銀一兩

一吏目衙役

門子一名

歲支工食銀六兩遇閏加銀五錢

皂隸四名

歲支工食共銀二十兩遇閏加銀二兩

馬夫一名

歲支工食銀六兩遇閏加銀五錢

一 儒學學正訓導

門斗三名

歲支工食共銀二十一兩六錢遇閏加銀一兩八錢

齋夫三名

歲支工食共銀三十兩六錢遇閏加銀三兩

膳夫二名

歲支工食共銀一十三兩三錢三分三釐三毫遇閏加銀一兩一錢一分一釐一毫

一 瓦雲驛丞

皂隸二名

歲支工食共銀一十二兩遇閏加銀一兩

一 孤貧二十一名

每名歲支口糧銀三兩六錢共銀七十五兩六錢於乾隆三年在於請均孤貧口糧

事案內加增口糧銀四十二兩六錢五分八釐二毫一絲七忽八微三纖遇閏加銀六兩三錢又布花銀共六

兩八錢

一 額設囚糧

共二十四石折銀二十四兩每年赴司請領支給餘銀仍解繳

一 額設燈油鹽菜錢

共一十二千折銀一十二兩兩兩解與囚糧同

以上各衙門人役每歲共支銀八百八十三兩一錢二分七釐五毫二絲五忽一微二纖內除荒銀四百

八十七兩四錢五分四釐一毫四絲六忽三纖實

徵步銀三百九十五兩六錢七分三釐三毫七絲九

忽九纖遇閏加銀二十五兩一錢五分二釐五毫五絲四忽四微九纖

一 驛站

安定瓦雲二驛額設驛馬九十四匹

每匹日支草料銀五分一年共支銀一千六百

二十兩遇閏加銀  
一百三十五兩

二驛馬夫五十六名  
每名日支工食銀三分一年共支銀  
六百四兩八錢遇閏加銀五十兩四  
錢

二驛額設外備修補馬房鞍厪槽鑄藥材等項  
一年共需銀三百六

十兩

二驛額設支直銀  
一百兩

遞高二所額設募夫六十名  
每名日支銀三分一年共支  
銀六百四十八兩遇閏加銀

五十  
四兩

荔家堡於乾隆二年奉  
兵部在於驛路迂迴等事案內

撥固原州永寧驛馬六匹  
每匹日支草料銀五分一年  
共支銀一百八兩遇閏加銀

九兩

馬夫三名  
每名日支銀三分一年共支銀三  
十二兩四錢遇閏加銀二兩七錢

修補馬房鞍厪藥材等項  
一年共需銀十七兩七錢七分  
七釐七毫七絲七忽七微七纖

七塵二  
渺五漠

以上每年共支銀三千四百九十兩九錢七分七釐七  
毫七絲七忽七微七纖二渺五漠  
遇閏共加銀二

百五十一  
兩一錢

一鋪遞

在城鋪舖司  
三名

東路六舖

金家凹舖舖司三名

榆林舖舖司三名

單垢舖舖司二名

高家凹舖舖司三名

瓦雲驛舖舖司三名

窑店舖舖司三名

西路四舖

小白村舖舖司二名

付家村舖舖司二名

王村鎮舖舖司二名

土垢舖舖司二名

南路二舖

支家舖舖司二名

盤口舖舖司二名

北門二舖

合道舖舖司二名

槐實舖舖司二名

以上共十五舖舖司兵共三十六名每名歲支工食銀三兩六錢共銀一百二十九兩六錢內除荒銀七十一兩五錢七分九釐九毫七忽三微六纖實徵支銀五十八兩二分九絲二忽六微四纖

遇閏加銀一十兩八錢

一涇汭二河水夫工食銀一兩六錢六分六釐六毫五絲內除荒銀九錢二分五毫二絲四忽三微

實支銀七錢四分六釐一毫二絲五忽七微  
遇閏加銀二錢七分七釐七毫七絲

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

寇誌

寇戎之患自古有之防之貴乎有素禦之不可無方若充  
 國之謀畫韓范之經理於以籌邊捍患固莫無遺策矣至  
 足兵食以固邦本修文德以來遠人又烏可不講於制馭  
 之先耶志寇氛

一寇氛

夏商

禹平九土西至流沙是時平涼在腹裏未有邊患自夏商  
 政衰戎狄交侵

周

戎狄為患武王周公放逐之於涇五世終來見命曰荒服

小雅曰王命南仲往城于方赫赫南仲獫狁于襄薄伐西

戎穆王始伐犬戎責以不時享得白狼鹿各四諸戎始貳

懿厲以降反侵周鄙小雅曰獫狁匪茹整居焦獲侵鎬及

方至於涇陽宣王中興乃命大將尹吉甫方叔伐之小雅

曰元戎十乘以先啓行薄伐獫狁至於大原按朱子註大原讀大為秦

非山西之太原也獫狁侵西周宜從涇北平涼之太原以出取道便宜如山西太原乃渡黃河躡藉中原殃民甚矣奚取燕喜乎劉向又謂千里之鎬非鎬京之鎬則所侵當在平涼以北無疑矣

宣王尋敗於姜戎幽王無道任皇父蕃維號石父內有豷

妾褒姒共讒毀王后太子大臣往往廢逐甚至被刑后兄

申侯遂道戎攻周弒王掠周都居涇渭之間秦襄公治秦

兵救周立太子宜臼為平王車甲精利遂至岐平八百里

王始封秦為伯

秦

秦

秦日強大世世攻戎至穆公得賢人由余大服西戎涇上

烏氏等種皆朝涇州東有烏氏城秦昭王滅義渠戎戎滅而匈奴

興作隴西北地上郡以拒之始皇又命蒙恬將三十萬兵

漢 伐之立河南郡爲塞以禦匈奴平涼遂爲內地

漢

漢興高祖伐匈奴爲冒頓單于所圍與和親冒頓渡河南  
始以安定朝那爲塞平涼遂邊匈奴右方其右賢王人衆  
常擾邊漢文帝三年右賢王盜邊命丞相灌嬰將車騎八  
萬逐之十四年匈奴老上單于大入朝那朝那在涇東郭外蕭關  
至彭陽燒回中烽火通長安帝於是徵安定等六郡良家  
兵習騎射上林武帝得衛青爲將軍使出雲中以擊破匈  
奴河南樓煩白羊王獲首虜數千生畜百餘萬取河南地

築朔方郡時漢都關中安定股肱郡爲重幽州北邊爲  
然右賢王愈寇新邊害吏民及青拜大將軍其甥霍去病  
繼爲驃騎西出過居延攻祁連斬首虜三萬致禱將五十  
餘人單于怒欲誅休屠及渾邪王渾邪王欲叛而休屠不  
從渾邪遂殺休屠悉衆降漢凡四萬人由是平涼無寇而  
匈奴與漢雜處矣

盧芳安定人莽時詐稱武帝曾孫與羌胡起兵更始徵爲  
騎都尉使鎮撫安定以西更始敗自立爲西平王與匈奴  
和親匈奴立爲漢帝僭位十二年後降光武封爲代王復

叛入匈奴而死

光武中興隗囂欲歸光武復逃去據隴西鄧禹復安定  
順帝永建四年九月安定始復舊郡永和三年十月羌復  
叛六年正月丙子馬賢敗歿於射姑山安定太守郭璜下  
獄死十月徙安定居扶風段熲帥師自彭陽追至高平破  
之漢安二年護羌校尉趙冲漢陽太守張貢敗燒當羌於  
安定

靈帝建寧元年二月護羌校尉段熲大破先零羌於逢義  
山卒定東羌皇甫規亦上書自薦漢平康爲中郎將規更  
以恩信招羌西羌亦平

獻帝興平元年十二月分安定扶風爲新平郡是時馬超  
韓遂等亂雍涼獻帝遷許昌安定陷於超建安十八年曹  
操攻超於安定使夏侯淵朱靈圍之超破轉擊高平收糧  
谷牲口

建安十九年春曹操以邱興爲安定太守戒令勿與羌通  
恐導之爲非興遣校尉范陵使羌轉求羌薦已爲屬國郡  
尉曹操不從羌遂定

建興五年漢丞相諸葛亮伐祁山降安定三郡曹真復取

安定郡民楊條等共保月支

晉

懷帝永嘉五年冬十月匈奴劉曜據長安安定太守賈正與馮翊太守索琳安夷護軍翹允謀討曜與晉室合兵五萬連破曜等六年奉秦王業攻長安克之正進雍州刺史以安定焦嵩代爲太守建興元年夏四月秦王卽帝位於長安劉曜屢寇允等戰却之四年冬十月曜兵逼長安焦嵩入衛不敢進南陽王保遣胡崧入衛破之靈台嫉允等功引兵歸秦州長安饑甚帝出降允崧等皆死之安定降

曜敗於後趙安定降石勒冉閔滅後趙石氏子孫氏符洪據關中殂子健嗣位敗張先於陰槃盡陷安定諸城因僭號大秦天王傳至符堅姚萇叛安定秦降萇萇因僭號徙安定五千戶於長安萇復使其子與襲平涼大獲而歸因潛師攻破符登遂如安定又如涇陽遂破斬登徙陰密三萬戶於長安嗣赫連勃勃叛與偕大夏自以萬騎攻安定破降興將楊佛嵩師三萬五千復入平涼平涼太守姚廣都死之坑四千人興殂子泓立大興師攻勃勃於安定安定人胡儼攻走勃勃追至於馬鞍坂勃勃復侵泓敗姚

恢於靈臺眾降滅弘安定平涼陰密盡陷於勃勃勃勃  
子昌嗣位魏太武帝自將襲平涼攻安定大敗夏師獲昌  
赫連定走鴛鴦原魏取夏師定奔上邽安定平涼悉降魏  
北魏

太平真君七年既平夏以陸侯為長安鎮大將侯誘斬杏  
城叛胡蓋吳安定胡劉超復反侯以計斬之

宣武帝正始三年春正月涇州民陳瞻起兵僭王遣將軍  
元麗太僕卿楊椿帥師討平之赦吏民誣誤者

武帝永熙三年春正月秦州刺史侯莫陳悅戍賀拔岳於  
高平宇文泰時遷夏州都督收岳師於平涼高歡亦使侯  
景視師至安定泰謂曰賀拔公雖死宇文泰尚存卿何為  
者景奔歸泰誅悅遂定關西卒篡魏是為周

隋

恭帝義寧元年十二月金城賊薛舉寇扶風姑臧公世民  
大破之畧地至隴復安定

唐

武德元年四月唐公為皇帝改太守為刺史安定為涇州  
六月薛舉寇涇州秦王長史劉文靜敗績八月薛舉死子

仁杲立於折墪圍涇州刺史劉威死之十一月秦王破仁  
录兵於淺水原圍折墪降之關西平

高墪折墪皆涇原地名

武德七

年突厥頡利可汗突利可汗入寇或議遷都以避秦王不

可乃止九年六月秦王即皇帝位八月頡利突利寇涇州

衆號四十萬涇州總管尉遲敬德簡精騎二千隨虜俱進

擒斬千餘級世號胡敬德

貞觀三年突利來朝請討頡利罪帝命李世勣等率師伐

之頡利乞和命兵部尚書唐儉致命

天寶十四年十二月己亥肅宗以皇太子北收兵討安祿

山至安定郡太守余穀棄郡奔坐誅

廣德元年九月吐蕃寇涇州進陷京師郭子儀收復吐蕃

退兵原渭等州

永泰元年九月朔方叛將僕固懷恩誘回鶻吐蕃共數十

萬寇涇原子儀單騎說之回鶻反助唐會兵破吐蕃於靈

臺東五十里吐蕃退走

貞元二年八月吐蕃寇涇州三年五月望請盟於平涼川

唐以侍中咸寧王渾瑊等往盟涇將李元諒各以師往虜

劫盟官屬將士皆没十月吐蕃大掠隴州華亭諸縣

宋

乾德元年四月詔禁涇原邠寧等州補蕃人爲邊鎮將

咸平二年三月以王漢忠爲涇原邠寧靈環都部署四年八月以張齊賢爲涇原等路安撫經畧使五年六月詔益兵八千分屯環慶涇原備夏賊李繼遷

天聖三年十二月環慶蕃部崑逋等降附涇原

寶元元年十二月以秦寧軍節度使夏竦兼涇原秦鳳路帥二年以竦知涇州又兼秦鳳路沿邊安撫使

慶曆元年二月元昊寇渭州環慶路馬步軍副總管任福

敗於好水川死之亡將佐軍士六千餘人十二月置涇原路強壯弓箭手遣使安撫涇原路發定州禁軍二萬二千人屯涇原賜陝西招討使韓琦范仲淹錢各百萬

皇祐三年涇原蕃樊家族密斲歌內附四年十月詔鄜延環慶涇原路擇蕃落廣銳軍各五十人赴廣南行營從狄青征儂智高時元昊稱臣涇原少患矣

熙寧六年八月賜涇原軍士特交錢八月分涇原兵爲五將

元豐二年八月分涇原路爲十一將四年十月涇原節度

使王中正帥師入夏磨哆隘破統軍梁大玉兵追奔二十里斬其大酋沒囉臥沙監軍使梁格鬼等十五級遂入宥州五年正月以李憲爲涇原熙河蘭會安撫制置使大觀二年六月升平夏爲懷德軍

建炎二年三月金人寇涇原經畧使曲端擊敗之張浚承制拜端爲威武大將軍四年正月金人犯邠州至彭原端遣涇原副總管吳玠擊敗之十月金撒離喝陷涇渭經畧使劉琦退屯瓦亭

紹興二年三月金人陷水洛城楊政等擊敗之九年閏六月金人犯涇州守臣曲汲棄城遁經畧使田晟率師禦金人敗之金人歸鳳翔

孝宗受禪用史浩策命吳玘班師棄陝西紹興三十二年六月晦金人屠原州平涼盡歸金矣

金

貞祐九年十二月夏人乘金有蒙古之難陷涇州三年四月戊辰選精兵六萬分屯平涼涇諸州以秦州防禦使女奚烈里行元帥府於平涼

元光元年八月以忽斜虎爲鞏昌平涼總帥尋徵其兵入

涇州記  
衛以粘葛完展代之梟將郭蝦蟆守會州偏將汪世顯守  
鞏州忽斜虎本謀奉金主入秦鞏既拜相陰使完展治守  
具金主不能從俱死蔡州金亾而完展尚望金有嗣立者  
故矯詔宣諭秦鞏世顯知之欲以矯詔爲罪圖完展然憚  
蝦蟆約與其攻鞏昌蝦蟆以義拒之世顯遂戕完展降於  
蒙古闕端併攻蝦蟆堅守死之平涼涇原遂陷蒙古矣

元

太祖二十二年夏四月帝次隆德拔德順等州閏月避暑  
六盤山

憲宗二十一年十二月以涇州隸都總帥府

仁宗二年正月增安西王朶兒只班部軍糧三年五月涇  
州饑禁釀酒十七年河南劉福通兵起其勢大振遣其將  
白不信大刀敖李喜喜攻陷關中府縣十八年二月元將  
察罕帖木兒李思齊攻走之復涇州平涼以郎中郭擇善  
守崇信以保平涼夏四月擢郭擇善爲僉樞密事李思齊  
擅殺之併其兵

明

弘治十年八月初二日北虜進掠平涼營於回山涇川散

掠所屬州縣東至邠之亭口南至汧陽時承平久民不識  
虜不知避虜驅掠人畜數萬六日全營北去蹂踐千餘里  
村落爲虛

嘉靖元年七月虜渡涇襲涇州之王村屠之東掠禹山南  
至靈臺仍北渡涇自章村登北原固原兵邀擊頗得首虜  
總制李鉞始被責後論功進官爲兵部尚書

崇禎七年秋流寇掠涇州官民力守賊益熾八月十四日  
城陷

崇禎十六年十月內逆闖入關三秦所過瓦解

大清定鼎總制孟公巡邊所至景附不一血刃康熙十三年吳  
三桂之變平涼提督王輔臣等進勦至寧羗州兵譁殺王  
帥莫經畧臣遂叛據平涼城以應三桂平慶州縣盡爲所  
陷十五年内閣圖公海討降之

康熙十九年冬環縣賊鄧萬才烏合本縣賊耿飛馬玉等  
作亂二十二年春攻破縣城弒邑宰賊勢益熾玉泉營防  
兵駐荔家堡遊擊柳生甲聞變率賊進退防守嚴密涇得  
安全及大兵會一鼓而擒

安金夏大興會一

其德廣矣

其德廣矣

其德廣矣

其德廣矣

其德廣矣

其德廣矣

其德廣矣

祥異誌

祥異之來古今叠見君子止道其常盡其在已者而已故

慶雲甘露不必以為瑞而日食雨雹則深足以為戒者明

於惠廸從逆之理也然則降災降祥夫豈無因考往事而

鑒前車藉以自儆可耳志祥異

一祥異

漢

高帝元年冬十月五星聚東井

晉

武帝太康元年四月隕霜安定大旱傷麥

宋高宗元祐元年十月正星乘東井

神宗熙寧八年涇州大雨雹

徽宗政和七年涇原地震旬日不止壞城郭廬舍吏民壓死甚衆

高宗紹興十一年馮康國言涇州雨黃沙

明

成化二十一年大饑

正德七年火星大墜

嘉靖七年大饑 三十四年大旱饑冬十二月十三日夜

子時地震有聲如雷壞城郭廬舍壓死人畜甚衆 三

十五年春饑疫癘死者甚衆 三十九年秋殞霜三日

自固原至涇殺禾

萬曆十年饑

泰昌元年十月五星鬪少頃白氣竟天四旬乃滅

崇禎二年春旱大饑 十三年大饑斗米銀三兩

大清

順治四年飛蝗遍野食苗稼

康熙十三年十二月天鼓鳴 四十七年五月初二日戊

時隕大星流光燭地星過天鼓鳴 五十二年旱 五

十三年又旱夏秋俱歉民饑

一仙釋

朱有

少竄名伍符宋元豐初瀘賊犯塞詔有從征之軍次資中郡有往來醮壇山試仙臺見羣鳥飛鳴爭食墜地若松肪有取食之即渴脹不止遇一道士指松曰食此葉可療也忽不見有如其言渴止覺心爽神清有不

知書不飲酒至是高吟劇飲脫伍符而去

藝文誌

古稱三不朽言與功德並重非侈談博雅也涇素號名區

碑銘林立表事屬詞均堪不朽其吟咏山川則春容藻麗

若霞建赤城之標宣揚風景則爾雅鏗鏘如樂奏湘壘之

瑟採而輯之傳其文因以傳其人云志藝文

一記序

回山重修王母宮記

陶

穀 宋翰林學士

祭法曰法施於人則祀之辨方之為法制也不亦大哉神有所職足以垂訓者孰可闕焉按爾雅觚竹北戶西王母

日下謂之四荒王母事蹟其來久矣名載方冊理非語怪  
西周受命之四世有君曰王滿享國五十載乘八馬晏瑤  
池捧王母之觴乃歌黃竹西漢受命之四世有君曰帝徹  
享國亦五十載期七夕會甘泉降王母之駕遂薦仙桃周  
穆之觀西極也濯馬潼飲鵠血踐巨蒐之國乃升弁山故  
汲冢有穆天子傳漢武之禱靈境也祀雍時幸朝那立飛  
廉之館以望 圃故樂章有上之回曲嗚呼湘靈鼓瑟虞  
舜二妃也黃姑有星天河織女或楚詞所傳猶能編祀典  
配嚴祠簫鼓豆籩預四時之享犧牲玉帛陪百神之祭豈  
若王母爲九光聖媛統三清上真佩分景之玉劍納玄璣  
之鳳舄八琅仙璫以節樂九色斑麟而在馭嘯咏則海神  
奔走指顧則嶽靈鼓舞輔五帝於金闕較三官於絳河位  
冠上宮福流下土則回中有王母之廟非不經也年紀寢  
遠棟宇毀壞壇歌杏朽蔽荆棘於荒庭井廢禽亾噪鳥鳶  
於古堞物不終否崇之在人太師清河公受賑建牙三臨  
安定軍功政事紀在旂常是邦也壓涇水之上游控西戎  
之右地地宜菽麥俗習騎射撫之有道則風能偃草馭之  
非理則水亦覆舟中權失政不可一日而處矧三鎮乎歲

戊辰春二月公介圭入覲駿奔上都天子設庭燎以延之  
奏肆夏以寵之臨軒絕席以綏懷大輅繁纓而錫命禮成  
三接詔還舊鎮公旣旋所理來謁靈廟齊莊有感盼蠻如  
答申命王者鳩工繕修薙蔓草於庭除封植嘉樹易頽簷  
於廊廡締構宏材丹青盡飾於天姿黼藻增嚴於羽帳雲  
生畫棟如嗟西土之遙水閱長川若訝東溟之淺容衛旣  
肅精誠在茲何須玉女投壺望明星於太華瑤姬感夢洒  
暮雨於陽臺合徵幼婦之詞庶盡上真之美穀也學非博  
古才不逮時論思謬冠於詞臣叙事敢踰於實錄久直金

鸞之殿視草無功強窺朱雀之牕偷桃知愧謹爲頌曰  
崑崙之墟崦嵫之下戴勝蓬髮虎豹爲伴是耶非耶怪哉  
王母丹臺命鶴七夕爲期雲駢鳳輦劍佩光輝倩兮盼兮  
穆若仙姿宅都兮如彼降漢宮兮若是奚靈聖之多端  
駭變化之神異考山經於竹書故兩留於前事山之巔兮  
水之湄奠玉羊兮薦金嶽白雲零落歸何處黃竹摧殘無  
一枝撫弇山之田石紀涇水之仙祠

善女祠記

宋節度掌書記大理  
司直兼監察御史

李<sub>之</sub>瑩

安定郡東北陟高原有善女湫者澄澈數百畝中央未窮

涇州志 卷一  
淺深水東列廟春秋以時祭之唐時以其邇甸服多徵應  
詔封鎮國湫郡城村落田疇灌溉麻麥衣食之利歲復百  
倍建隆壬戌歲節度清河公再鎮是邦起夏訖秋亢暘饑  
民流離載道公憂之率賓佐攜牲醴走拜湫神尊羊未徹  
陰霧四起膏雨如注由是五谷告成萬姓告安靜而思之  
由神佑焉於是減祿食易棟瓦治堦壁羅紈其衣丹青炳  
煥廊幕車馬有長無闕修黍稷以薦鳴鐘鼓以樂宜也是  
爲記

五龍廟記

元肅政廉  
訪副使

王栢

天地之間惟嶽鎮海瀆名山大川爲物最大且久故山之  
峩峩水之滔滔治亂興喪而不易與天地同始終豈不謂  
之大且久哉有國家者所當崇祀民人奉爲依歸如涇水  
自上古已有其名禹貢所云涇屬渭汭是也夫涇州者以  
水爲名郡稱安定亘古以爲重鎮川流至此始大故曰涇  
是州之南河濱回山之北向有廟曰五方龍君之祠金舊  
碑云唐貞元元年太宗西征薛舉陣此涇水顯有龍神之  
助兵大捷貞觀元年三月勅賜龍天聖祖濟惠帝君建置  
廟宇載在祀典蓋山川之封代代有之唐之太宗親征駐

蹕之地加封境內河水龍神之號洵不誣也然稽諸典禮古者王公爵爲貴非敢爲僭者名與分也且四瀆封止於王涇則次之涇之龍君封爲帝君之號疑其位在四瀆之上恐世遠傳之未詳呼之踰分而神亦不安矣唐之太宗爲秦王時親征降薛舉子仁果當在高祖武德元年前碑所稱貞元元年乃德宗年號在太宗九世之後所載又誣矣况涇水自此始大而各有神以司之古跡龍君之廟乃涇河龍王享於封境之內理至明矣宋金之世俱嘗興修廟宇繪塑神像厥後添塑共爲五尊故曰五方龍君之廟

易世相仍累遭劫火殿堂廢毀自歸附聖元以來州重修廟貌凡水旱疾疫螟蝗作孽有求必靈屢獲感應一方之內依歸敬信歲時致祭泰定改元甲子起春訖夏元陽不雨禾稼焦枯將失西城之望州倅文禮愷謹發虔誠恭率僚屬士庶齋沐詣祠自以失職爲責祝詞以告倏陰雲四布雨降霧沛遠近沾足秋五谷胥熟民免流徙之患實賴神之庥義士文德用首啓誠心謂衆曰茲廟也歷唐宋金古跡昭然其來尚矣曷新之衆皆說而相助於是構材命匠增廣前規制正殿三間湫庭一座行廊六間及粧塑神

像不數月而告成僉賜予爲文以記之故不辭鄙陋勉成  
盛事銘曰

陰陽變化不測目神妙而無方幽隱通真惟正惟直因時  
屈伸封部之內兩賜時均庇祐下民感應斯臻威靈昭昭  
永享嚴禋

重修王母宮記

明太子太保  
兵部尚書 彭澤

宮在涇原西五里河中山巔祠所謂王母宮蓋古跡也世  
傳周穆至漢武帝皆嘗西游與王母會故有是宮又謂之  
王母宮案關學主秀實記之詳矣路當孔道古今名士登

覽祇謁題咏甚富藹然爲郡之勝跡然自勝國初重修迨  
今踰二百載漸以頽毀郡之耆舊屢欲修之未能也屬郡  
太學生閻君沂念父兄嘗績學卒業於斯資其幽僻閑遠  
以游以息經明行修登高第而躋膺仕者後先相望乃慨  
然謂諸耆舊曰仙家之荒唐無足言周穆漢武之游覽無  
足取第茲宮爲吾郡千餘年之勝跡自我國朝登有萬  
方陝爲西北巨藩自關西以達西南諸夷不啻萬里延寧  
甘肅諸鎮文武重臣以及奉命總制經畧撫按冊封出使  
外夷大儒元老名公碩士百五十年來經此者不知其幾

而吾涇縉紳士民得以親炙而交游之皆以斯宮之在茲而吾涇自國初抵今歲修於茲以登仕途者又不特寒族父兄子姪也必欲重修吾當爲之倡其視傾資破產於佛老虛無寂滅之教以資冥福者當有間矣於是出私帑若干緡以先之請耆舊士庶懽然合謀鳩材僱工一時宗藩韓王亦樂施助期終其事經營於正德甲子五月上旬落成於嘉靖壬午五月中旬爲王母殿玉皇閣者各五楹周穆王漢武帝行祠各六楹其餘雷壇及玄帝等廟有差則皆鄉耆之意欲爲旱潦疫癘之禱而設也規制整嚴輪奐麗美大非昔比工旣訖乃走書於蘭屬澤爲之記夫聖人不師仙盤游者聖帝明王之深戒吾儒之教也第閭生沂之論蓋不溺於其說而自有說之可取故不辭蕪陋叙述之以紀歲月後之游覽於此者觀此其亦有取於閭生也生由此而克充之敦天倫重禮教足法於家而遺範於黨里則斯舉爲可稱矣不然則昧先師務民之義敬鬼神而遠之訓是亦佛老之流耳奚足爲世輕重哉是爲記

重修學宮記

康

海

明翰林院修撰

予治甲子春謁師邃庵先生於平涼道涇州值祀丁登

涇州志 卷之二  
拜見廟學頽敝幾盡今又十八載矣涇學正張通訓導李  
軻遣庠生李鸞來請曰昔者子悲吾學之敝今且無敝矣  
曷記之使涇子弟得誦說無斃夫郡學之始建也蓋自洪  
武緣元舊跡而新之百五十年餘故敝不可支焉迺今宋  
侯來守鳩工掄材經紀分次可者新之否者改之工不踰  
年煥然咸備夫飾館華傳剝民以賈譽諂上者志慮宜不  
及此卽上吏督責或藉以啗已孰若宋侯殫心竭慮務至  
無窮若此非夫人之所難宋侯之所易乎予不敢隱宋侯  
之高義爲序其事以告涇之子弟曰有明正德十六年涇

守太原宋灝孟清修復廟學材不費帑工不老衆建明倫  
堂制度軒豁可以經久左右爲三齋爲藏書館其前爲門  
曰禮門義路後堂曰議道堂而改爲號舍凡三連一區置  
射圃觀德亭規模遠地舊爲居民侵蝕者悉歸諸學崇  
墉巨限後有奸者無能爲也豈徒爲觀美無惠於涇之子  
弟哉百工居肆以成其事君子學以致其道向者學敝士  
無以成學今不徒爲無敝而又壯麗可居矣乃或無所用  
心於學豈非宋侯之罪人哉夫豐林浚川鳥獸之所聚而  
蛟龍虎豹出焉何也其所聚也士大夫得學校之教養所

期以爲聖賢而有益於天下後世則奚豐林浚川之不如  
哉亦各求其聚而已矣予請與涇之士大夫子弟共勉之

重修學宮記

趙時春

明會元  
平涼人

昇平百八十載維養維教豐積而盡邊郡爲烈剔蠱致亨  
實存諸人肆維山東霑化張夫子來守涇輯秩其民已五  
春秋顧宣聖之禮殿荒穢弗治學宮薦榛菱俎豆弗戒思  
大振厥職訓育是責爰請俞所司飭五材鳩羣工奔走奏  
技上絢下鞏肅肅明明冠冕巍峩時春密邇鄉郡兼成舊  
學宜行師說上告厥靈下咨多士曰自秦始迄今幾億代

人有恒道罔不惟聖是師維周億虛文士放利於澆率私  
已而厲民厥究民病而身殃天恫我民誕錫宣聖世爲我  
師演經萬數曰仁則一大哉仁乎俾爾學子端迺好惡謹  
節性情以一氣通天地而不忒故以一身建諸天地而無  
愧少試則審心力以役長上而老者以安大行則敷施嘉  
猷以靖家邦而少者以懷咸歆風烈尊曰師長因範垂訓  
稽爲典實斯以坐役羣動而民不告勞億兆戴之以歡心  
誠造仁之極而握道之要也是誠學孔氏以處孔氏之學  
夫奚不宜雖然勢致則反物亢則害昔者周文公抗成周

於唐虞而後爲億文安知孔子之挽後世爲東周而學者  
不早以他術廁其間乎故談性命則實莊老峻文法則祖  
申商規權利則挾儀秦嗜利欲則倍饕餮使異類反持之  
以議孔氏是術之驚戾而不仁莫甚焉學孔氏者寧不以  
爲大憂乎憂之云何亦歸於仁而已矣仁惡乎在曰新諸  
吾心仁非吾心乎而胡以新爲非學者廁之以他術而後  
有新乎夫新孔氏之宮以待學者良有司上敷聖明之仁  
政也斥去不仁之術以新孔氏之道者學者所以昭往範  
啓後業之仁心也敢表之以列於石庶不仁者詘而好仁  
者勵焉張君名髦士以嘉靖癸卯歲學於孔氏之鄉而擢  
守是邦曾及先翰林君之門其佐判官劉倬學正曾周劉  
黻蔣鈺袁廷儒咸樂厥成而太學生何汝霖郭夢陽則職  
厥役者也法宜備錄

增修東城記

閻鈺 郡人

西陝痛二邊之患簡命重臣巡撫鎮守有利於保民禦虜  
之務從便益行修理城池尤拳拳加意良以爲保民至急  
務矣涇要衝西北唇齒周原舊城創元至正十九年規模  
狹隘民居不瞻成化丁酉秋七月曹光文輝來牧是州者

涇州志 卷一  
老史鑑率衆以告光卽請撫鎮藩臬咸可且嘉兵備固原  
憲副嚴公親蒞焉且檄光總事悉心殫力督民築鑿要接  
舊城環展東南涇之老稚偕踴躍相告曰此所以保吾民  
而禦虜也趨事赴工者若歸市工始於成化丁酉冬十月  
越明年三月告成圍三里高二丈五尺有奇隍闊深丈餘  
建門三曰東盛曰承熙曰永寧以至門閤敵樓便舍之屬  
罔不備具於是聚廬爰處者寘無虛地

增修西城記

趙時春

涇距塞僅千里輕騎七日而至城高不及三仞隍僅仍廣  
不及附庸之雉稅鹽輸之郭遭世承平喝而不講甚無以  
副聖明苞桑磐石之至計嘉靖丙午春二月海濱張髦士  
朝蒸守涇越年能紀綱其民度時與力可以築治庀三之  
一其工方尺令曰不以監病工不以工厲民民趨治如庀  
而止得歸業先而輦者慶後而窳者罰高廣深浚視古加  
三之一而贏稅鹽屬之城毋爲寇掠民知利病所暨爭歡  
鳩役畢四旬而竣居者有保行旅有歸州人以為張守庸  
來徵余文勒石以示永久余自庚寅秋免夏官士至丁亥  
秋而赴史召與民居者十年再爲史職歲三月而免在民

間者七年其較民利病悉矣而最深且鉅者莫如城公使  
之督修城者旁午於道率不省城可否但其印文取利賂  
而去城不可完賂不可止上之嘉猷不下施民之膏肉富  
私室君子爲之太息焉民何幸而得張君哉守塞列城數  
百官吏文武依城而蠶食公私者滿萬城如之何而可成  
民如之何而不死且盜虜如之何而不狂且驚以逆尊上  
也徭稅里田凡官之役如之何而又肯廉於監城者以自  
瘠也安得盡如張君者舉而屬之以療吾民之危苦乎使  
予如之何而得已於言不以哀鳴以號於世之大人仁者  
庶其隱而救之也嗟夫予以無事而哀有事世目爲狂遂  
再廢不振今又指摘小民之困呼喚以取罪予之狂迷以  
至此哉楚有狂夫自投湘江髮已被矣漁者挽篙以救之  
尚呼曰勿救吾哀秦師虜楚也吾赴清流死矣卒溺焉儒  
有跣而行冬雪中者或憫其凍呼之使就煖生不肯曰吾  
雪能阜吾民田吾喜而賦詩死不苦也已而僵手尚握厥  
詩予之文得無類此將無爲晒乎君爲海濱之雷化人先  
翰林君教諭弟子以甲午山東鄉貢守是州熟余之狂者  
自童稚迄今二十有七載矣必哀吾之狂以仁吾民乎

仰止書院記

胡松明分守  
關西道

先是叅政遲公鳳翔於城南之麓建麓城書院叅政胡公加完飾焉錫嘉名曰仰止

涇漢安定郡始城在涇北水滸數被水害故徙今治邇於南高峰麓城半在麓而麓又甚高俯視城下觀寺居民歷歷在足下前分守遲公築堂三楹廡六楹以便諸生講習扁曰麓城書院然堂建而未聖無周堵道蓬莠不治予繼公來蒞斯登麓仰顧高峰俯矚涇洎回中映帶左右而又鮮喧譁湫洳之逼信學子講道游藝之所也予爲甃道築墉塗飾整漫翼以欄檻暇日登臨稱勝慨焉取詩語高山仰止易今名稱將使學者俯而學仰而思焉夫山以高爲尊行以景爲大古之所謂景行云者蓋不可勝數矣學者之所習聞少小之所誦法旦夕出入於其宮牆門屏者不有先師孔子七十二子之徒耶然槩稱七十子泛而寡要徑師孔子大而難入無已則學顏之學乎顏之學在於不貳過不遷怒視聽言動之無非禮耳善乎董生之言事在勉強爲之而已矣是以百川學海而至海百川學山而不至山故在學者反思而自得焉詩曰其誰知之蓋亦勿思故當思其本矣夫惟君子思焉而察見本原之地以先立

乎其大者養而勿失用爲揆物宰事之權弗使昏昧放逸  
由勉而貫以企幾仲尼之堂是予與遲公所爲厚望於涇  
人也與

分守關西道改建涇州記

呂時中

明右  
叅政

道故建諸平涼後之隴前撫臺賈公應春謂其悖焉移檄  
復之平涼府涇州云以鳳翔亦有按察分司也平涼地廣  
而民獷悍賦稅訟移屬之分守又韓藩宗室蕃衍中多驕  
橫恣睢負逋奸民或投匿壞法禁郡守而下被凌踐無論  
凡庶故明彰軌度揚厲風聲宣示朝廷威德咸分守道事

初分守叅政李君冕經營之以遷秩不果理予承之遂計  
費飭材地卜諸州治東北今撫臺唐公時英慮無以表復  
發金作門坊東西肆稱完備君子曰制欲其宜於民也不  
必便已居欲其辨體以定衆也不必崇麗夫宣上澤以答  
二公慮民之心僕有志而未能也

重修水泉上寺記

溫應璧

古城之西近陵生木莽蕪傳稱紫荆山山之麓止水瑩  
澈名曰青鳳泉宋元統中立寺於其上因題寺曰水泉實  
古之共池地也山之額雖屢屨之地平垣廣闊山之腰汲

水運柴險不能上至於車轍馬跡皆中道而止成化間適  
有天齊上人俗姓溫氏號翠栢峰者持竺乾教領度回涇  
見下寺繚流充滿蘭若無置錫可居迺率厥徒智辯等四  
五人勞筋苦骨日事錡斧開羊腸路上及於坂剪荆棘平  
堦坳爲穴居厨舍以儲鉄杖掄材鳩工中建一寺前  
門次第修葺院栽翠栢若干以庇佛牆下植薔薇兩架以  
壯遊觀功將就緒一日天齊與客引手而上於  
礎荒砌跬步可尋天齊因與客曰此必古之聖境也不可  
無剏後復議諸協憲殫力四面圍之以牆中  
宮正中

遺址前爲甬道以直其南後爲通渠以洩行潦之水于溝  
防有壑壞右緣丹崖砌爲石磴以通往來登之于其上至  
於棟宇崇麗位顯像巖金碧輝煌有加中寺上下落成蓋  
始於成化之九年終於 治之十四年也 遺書召遊  
登高自卑以歷覽形勝予惟喜夫上寺崆峒西望晚霞流  
紅筆峯南立秋松吐赤下有共池瑞蓮飄香南有回山蟠  
桃爭媚一登臨焉則帶衲襟涇縈紆渺瀰一日千里而東  
北諸山空濛晻靄又皆隱見出沒於雲空 水之外於戲  
茲非瞿曇所謂無上極樂世界者耶於此揚梵俱禮金容

率清規晨吼蒲牢暮擊鼉革則一方聳曠不查此而  
啓矣天齊曰言則美矣善矣不可以無傳焉願卒徵文以  
識之璧不得辭也遂悉記其梗槩且書其趣如此俾刻焉  
既而嘉天齊之勤以及其徒又以告後之爲師弟子而卓  
錫於此者使知所自云爾

碑剝蝕缺  
十一字

曠如亭記

張延福

夫惟知者爲能不凝滯於物蓋以澄徹之神而一觸於靈  
虛之境則泱漭青熒翬飛神越謂是境怡於心中乎實心  
超於境外也涇回巒之頂舊有曠如亭前叅政胡公有記

載在通誌然缺而不全矣余於政務之暇屢登茲山而躋  
斯亭則見羣山積翠以回合好鳥追飛而下上諸凡朱邱  
平臺葳蕤華館以及豐林浚川村塢廬舍之明曠無不歷  
歷在目昔賢云接良會於愷懌散煩襟於清曠不其然乎  
余因之有感矣夫同亦乾坤內一青鶴耳亭亦培塿間一  
棠葢耳顧却立昂首極目遠望則倏而天水矣倏而煙雲  
矣晷輝分麗噴若風雷乃知凡境之險詭處凌躡以往青  
鼓吾氣也境之曠夷處委頓而休靜娛吾神也筆不能繪  
其狀脉不能寫其幽然則境盡於回固有不盡於回境固

於亭固有不圍於亭者乎余固非知者而每登斯亭激靈  
風瞻浩氣澡性滌煩若生翎羽亦安能時盤桓於斯濯清  
浴垢籍花蔭芳以暢一生之拳跼也耶因不揣鄙陋繼胡  
叅政公而記之如此

百泉東嶽二郎廟記

李永瑾

民之有資於神者春祈谷而秋報享非徒事酒醴笙簧之  
文也亦以神上承昊蒼下膏元元徼惠蒙休夫是以昭事  
翼翼也涇西十八里百泉溝有東嶽二郎之廟創建不知  
始於何時其移於東山之麓則村民朱茂謀於衆而遷之

也碑記詳之矣是山也旣以礪确外爲寰宇敞無垠塢以  
居神祇涇水則右走回巒復前橫霽景含日晚霞五彩而  
丹青韶望卷雲春臯一色而凝黛抱景含虛地靈磊落洵  
神聖之所棲止也今觀其清明若空皎晶如練澹泞冲融  
則見嵬如者廟神者妥焉翼如者所祀者止焉窅窅燿燿  
奕奕堂堂隨佳氣之蕩鬱攸而上蒸矣夫山轟轟直如羣  
峰昂昂英如廟貌莊嚴靜肅潔如出雲雨殖百物然則東  
山之訖廟功非卽以答神休耶矧百泉爲涇勝地吹鳳降  
於神仙濯龍走其車馬蟬聯相接東與其池瑤池交暉互

映則夫二聖之有靈湫其所以沛甘霖繁百谷降瑞會祚  
愷悌生民者又寧有既乎哉聞東嶽爲五嶽之尊即神專  
河海之司漢胡類經畧廣東唐狄仁傑巡撫江南奏毀淫  
祠夥矣實未聞廢二聖之祠謂非二聖之赫聲濯靈赤銳  
煌煌乃以延慶於長久乎今改基飾廟靈有攸齊庶惠風  
及雨佑我蒸民也因援筆爲記而附於碑陰之後

一詩賦

登回山謁王母宮

因草詔歷數弊政忤石亨  
曹吉祥等杖戍肅州過此

岳

正

明翰林  
修撰

雲鬢霞帔一樣粧侍兒誰是段安香仙家漫詫長春術祠

宇重來比舊荒武帝豈知桃核異穆王空辦馬蹄松烟霞  
不改回山色依舊蒼茫下夕陽

秋月登回中謁王母

四首

武全文

關西  
道

岩堯嶺道繞欹斜遠樹疎鐘人幾家絳節三千開翡翠朱  
樓十二鎖烟霞行藏風雨啼山鳥歲月浮沉老澗花極目  
長空秋色冷峰頭誰駕紫雲車

翠躡金天仙露聞回中西望氣氤氳千年花發三株樹萬  
里晴開五色雲隱隱崑崙煙外出滔滔涇渭嶺頭分鸞飛  
縹渺知何向落日秋風憶漢君

金母西還白帝秋，峻嶒飛闕敞蜃樓。千山積翠連天霽，二  
水流岑抱地幽。夢裡周秦同逆旅，樽前身世本虛舟。臨風  
欲奏霓裳曲，沙際翩翩下海鷗。  
風清月白倒金罍，席石幕天水鏡開。翠栢蒼松柯上下，落  
鳧鳴雁影徘徊。鑿蹄蕪沒秋容老，時壘蕭涼夜壑哀。桃實  
何須方外熟，涇干咫尺是瑤臺。

謁王母宮

總制三邊  
兵部尚書唐全龍

憶昔漫從山下過，今日却看雪中游。半空玉洞煙霞出，千  
古瑤池日月浮。朱草叢深盤白鶴，玄梨樹老臥青牛。陳詞

特爲慈親祝，錫祉頰添海屋籌。

過回山王母宮

薛綱巡按  
陝西

曉騎驄馬過回中，上有西池阿母宮。瑤草變成芳草綠，蟠  
桃讓與野桃紅。武皇好慕心徒切，方朔恢諧技已窮。欲覓  
仙跡何處所，茂陵無樹着秋風。

望王母宮

楊美益巡按  
陝西

回中佳槩漢時聞，古殿凝祥覆紫雲。絳節不隨青鳥至，錦  
帷虛憶寶香氤。霞明若散靈飛綬，水繞疑拖細復裙。還有  
九微龍帝掖，願移瑤輦傍吾君。

王母祠二律

黃輝

削壁交河盪遠空，彩雲猶護漢時宮。  
登樓忽下高林雨，秉節來乘六月風。  
青鳥傳書虛漢外，蒼龍飛輦漫回中。  
連山彷彿旌旗影，力折涇流水向東。

茂林秋色落誰家，王母荒祠水一涯。  
祠前老栢纔留葉，天上蟠桃可著花。  
雲光縹渺連龍塞，烽火蒼茫失鳳車。  
天馬東來復西去，至今遺恨滿流沙。

過王母宮

曾士毅

王母峰頭宮殿巍，雨中行逕草芳菲。  
談仙漢代虛千載，覽勝秦山碧四圍。  
旛影不隨青鳥下，洞門空閉紫霞微。  
好從涇內通瑤沼，笑摘靈桃滿袖歸。

冬日登王母宮

孫永思

巡按陝西

回嶺高開王母祠，舍風衆壑迥凄其。  
空聞青鳥來金闕，不見蟠桃倒玉卮。  
涇水有聲天地轉，瑤池無路古今思。  
仙容瞻謁幽深處，古木寒鴉冬日西。

謁王母宮

郭崇嗣

平慶兵備

王母祠前古栢垂，周王曾此宴瑤池。  
一樽未畢回中樂，八駿歸來國已移。  
青鳥不傳雲外信，白雲空鎖嶺頭碑。  
停驂

欲問當年事野草荒烟止渺瀰

過涇州一律

洪翼聖 陝西提學

傳說涇河有濁名潺湲日夜遶孤城飲冰廉吏心無垢映  
月空潭濁化清一滴全將千室潤寸心翻使亂波明何須  
入渭方同潔碧樹青山一水泓

王母宮四首 四首

姚孟昱

涇川渺渺接崑崙王母宮開此地靈門控千峰環紫翠  
虛四壁閃丹青瑤桃日暖棲鸞影蒼栢風高墜鶴翎信是  
仙都塵境隔恍疑天樂五雲聽

漢武當年封禪誇回中頂上禮仙家瑤池曉浴三山日紺  
殿晴飛五色霞地擁丹梯堪躡屩天連雲漢好乘槎金函  
寶籙千年注誰識先傳專綠華

穆王馭駿舊時游青鳥書傳信久幽洞嶽幾經蒼海變涇  
河不斷古今流身依日月三千界足躡雲霞十二樓東方  
朔去知何在空餘翠栢綠陰稠

關西跋涉欲投閑又借琳宮暫一攀望日未須臨渤海披  
雲應喜到回山步移仙境消塵慮坐對瑤池洗醉顏最是  
觀風兼覽勝不妨吟弄月明還

涇州詩  
下卷  
謁王母宮

謝少南

往日回中道猶存王母洞栢開千尺樹桃憶萬年枝  
涇曲瑤池行涇山圃移茂陵空宰木蕭索歲星期  
過回中呂大參招飲王母宮夜歸有作

王鶴

漢皇歸去已多時勝跡還留阿母祠地接崆峒卽閬苑川  
廻涇河似瑤池雲中青鳥歸何處海上蟠桃不可期  
獨有山頭明月在相看且覆掌中卮

游回山四絕

東郡楊巍家宰

周朝八駿去不返此地猶傳王母宮昔日瑤池作涇水仙  
人原有無中

草色泉聲向晚多故宮猶在碧山阿門前颯颯松風起似  
聽當年黃竹歌

青鳥已無白鳥來漢皇空築集靈臺祇因王母曾臨處一  
樹仙桃對客開  
曼倩空爲閬洞記回山半屬野人家長生自古誰能得惟  
有蒼松管歲華

游王母宮

張邦教

絕壁明瓊榜長松蔭紺宮雲軒金作飾蓮倚玉爲容黃竹  
歌堪聽青鸞信可通乘軒山下客延頸仰仙踪

同山謁王母祠

仙宮天外倚層峰洞口曾聞御六龍一自鸞簫聲斷後空

餘烟月掛長松

登王母宮

王之誥

漢武雄才振八荒傷心猶自惹周王淒涼一片回山月爭  
得清暉到未央

謁王母宮

練國士 巡撫

山盡水旋地脉竒誰將此處作瑤池蟠桃難定朝天日青  
鳥依然入漢時畫壁仙人滄海渺覆亭松色翠雲低累朝  
碣石荒陰在不忍停驟問黍離

登回中山

劉天和 總督 陝西

六日涇原道尋幽上翠微纖雲籠樹抄細雨濕征衣峭壁  
凌寒瘦新溪漾綠肥山靈如有意霽月傍人歸

雨暗回中地雲深王母宮環溪山浴影疊嶂鳥迎空古栢

陰初合豐碑與偶同憑樓動鄉思黃鵠楚江東

登高峰寺

藍 偉

公餘訪勝叩禪關共上高峰撫石欄山水望中收遠色壺  
觴塵外博清歡一川紅杏開春早二月蒼生過雨殘幻境  
幾人能了悟浮雲滿目不勝寒

謁王母宮

萬象春

扳蘿迤邐到仙祠絕壁崔嵬古木奇山接崆峒藏寶籙水  
分涇汭引瑤池一雙青鳥歸何處千載桃花空自疑便欲  
乘風問真訣碧天無際野雲垂

遊瑤池

金世傑

余浙人也落魄不售爲是州別駕喜職掌絕無每  
日把酒對瑤池問古栢不知身之在官云因賦二

絕追古伶人  
且以志隱

涇水之中有瑤池宮闕縹緲天與齊森森古栢紅塵稀坐  
酌忘歸賦夢兮天上娥眉作鈎鈎喜便垂輪懶則休金  
魚躍入還無意且自浮槎問阮劉

回山詞

于

錦

監察  
御史

昔聞回山稱絕奇方諸羣山會瑤池今我來登臨天風吹  
上山之嶂側足孤峰倚天柱俯視延睇小坤維萬山盡盤  
結迴合儼游麒支本崑崙脉望注滄溟涯遺構上有金銀  
闕古栢雲時護持鳳翹元君金玉佩凌華飛瓊雙侍兒

驅策百魔隸門無總攝萬精駕六螭涇汭交浸黃姑影奔  
空長顧鬱結儀夜半黃冠煮白石雨餘崇阿摘紫芝青鳥  
一去不再返桃熟無復三千期雲璈琳瑯音沉寂栢梁五  
柞竟何爲周王徒駐蹕漢皇空有祠嗟彼萬乘尊淪漸同  
黍稷石室爛柯一瞬息桃園無路增遐悲令威羽化華表  
鶴淮南遙憶拔宅時白日超忽飛骨骸古墓纍纍今稀其  
撫景已忘筌達觀豁有思安凌玉虛頂披彼金母帷願受  
龜臺六甲靈飛秘恣意蓬壺闔苑長追隨

謁王母宮感漢武故事而作歌

靳學顏

千山儼龍駢一邱忽鳳跼星河迴夜波璣衡轉天步紫氣  
高盤王母宮青霞低護長生樹漢皇作后聖作武坐臨寓  
縣坐塵土端拱凝旒叩至精白日青霄降王母王母躬持  
千歲桃金支翠葆擁雲霄淋漓羽扇千靈集窈窕雲裝孤  
鳥飄隱隱七香停月馭翩翩耦鶴載雲璈手指東方老歲  
星侍兒復有董雙成靈文奧闕帝親授 訣微茫衆莫聽  
博山未寒淑景晏輕霞拂袂琳瑯遠邂逅應如春夢中光  
鈇却著承華殿凝神似失不自怡天上人間徒繾綣繾綣  
復繾綣回鑿向深宮蕙質蘭心滿金屋清歌麗舞盈瑯櫓

萬斛明珠收夜燭千林琪樹搖春風春風秋月那相俟  
榆塞臯蘭烽煙熾龍庭戰骨繞寒莎鶯閣芳情論錦字旌旗  
日映昆明開首宿花香天馬至猶道崆峒拜廣成復思帝  
所奏鈞聲龍髯曾墮鼎湖淚鳳背曾聞洛浦笙絳雪  
真可致萬乘四海秋雲輕高居華蓋朝元會總攬玉籍無  
恐怖不然海上無垂衣不道涇原有方外涇原逝水幾時  
迴游客年年策馬來豐草離離侵輦道寒烟縷縷出香臺  
靈風吹葉全疑珮黼坐流蘇半是苔洒雪千岩玉爲屑掛  
月孤峰金作堆玉屑金堆供象罔山精魑魅來往禪影  
婆娑舞女移松濤彷彿雲和響翠華昔享瑤池觴華表今  
疑承露掌山川是昔人事非白雲黃竹共淒腓歲時猶有  
隨陽鳥飛來飛去傍翠微

回中山賦

林毓俊  
閩人爾  
千氏

序

山去州城里許涇洩合流回環於山之下而山當其中初  
予過高峰之麓暮煙翳馬首西望宛見一蒼龍踞地飲  
於雙溪間則信乎茲山之奇也蓋秦山皆童華得其秀崆  
崙得其峭而回山獨蒼老皆足令見者有仙凡之異已亥

初春予爲郭端旭年父母邀入涇治常與涇二三君子佩  
筆以游而高子美圖南二公數請予曰同中山自禹跡所  
經以及穆天子武皇帝外皆不能無詞勒諸石者傳記詩  
歌亦旣鱗鱗其沒於烟草者不知凡幾而獨少一賦以崇  
我山靈誠大缺典余嘗謂山水清福往來尊貴人消受不  
得天蓋留以供幽人韻士與一二有道名僧而已顧茲山  
也周漢二君廼籍是以傳爲千古勝事卽何必飛昇白日  
始稱快哉余又安可以無詞遂援筆而爲賦曰

義渠之國共阮之區有山葱蔚有水沮洳山則崆峒一脈  
蜿蜒而崎嶇水則涇汭上屬灑瀚而紆舒真仙人之別館  
兮信爲帝王之離居朱友栖焉而得道兮王符隱焉以著  
書故漢時首關中之形勝兮况爲韓范所經畧而拮据彼  
名賢兮逸客夫能不覽跡而登諸則有五芝道流七松居  
士訣已受其長生丹旣成其不死放雙瞳之青光看伐毛  
於洗髓又有雲翹夫人篁篔孃子嘗驟嵩上之鸞時唾盤  
中之鯉相與志結瑤臺名馳玉紀棄雞犬於塵中訪猿鶴  
於洞裡願飛瓊兮一見携手上 圃之邱思阿環兮招余  
乘興弄溟渤之水或贈兮白雲之瑤或來兮青鳥之使餐

桃實兮千年直人間兮片晷由是康樂明遠之徒君平少  
文之侶莫不携履雲遊命駕霞舉米南宮西園應移雅集  
謝安石東山遂罷睹聖咸欲觴聖水於瑤池因而摹遺像  
於鐘呂當夫煙光乍起日色初臨曠望周覽窮高極深千  
山環立而拱揖二水映帶以清湛俯孤城之雉堞鱗鱗井  
井瞰萬家之村樹蕭蕭森森於時華虫濯羽時鳥變音草  
有忘憂之意花有長樂之心石上之苔皆古碑中之留匪  
今不異十洲之蓬島何羨七賢之竹林足以解脫夫俗網  
而洗滌乎塵襟若其懸崖歆側斷壁嶙峋古木之所盤糾

老幹之所屈伸或如虎踞或似龍蹲亭亭嶽嶽囷囷輪輪  
巢枝之父願蚤棲而相木爛柯之叟甘小隱以採薪植九  
節之菖蒲云西湖女子種三山之草不道東海婦人故有  
比峯山之朱實栢堪延壽同闕里之文檜樹曰降真不飄  
搖於風雨可指摘乎星辰傲霜雪而獨秀歷古今以長存  
已忘年代何論漢秦至如一天朗霽雲綵繽紛非絲非帛  
五色成雲粲粲兮熒熒郁郁兮熒熒乍百花之競發忽飛  
鳳之來羣函關紫氣噴噴赤城霞采氤氳煥乎疑女媧之  
煉石斐然類天孫之織紋王毛仲濯馬江干離披錦綺卓

文君浣紗溪上亂飄繡裙是其下宜爲真人所托處兮故  
其上遂成天地之大文爾乃搜摩古篆拂拭殘碑儘有驚  
人之句不無少婦之詞陶學士留題可當寒山片石李商  
隱絕唱真是孤松一枝更讀索靖之書爰留連而有毯重  
覽僧繇之跡乃坐臥以臨池興賞之致振古如斯抽毫酒  
墨爲游仙之詞

歌曰崑崙兮山巔若有神兮福禳館宇兮匪一離宮兮  
涇之川豹尾兮虎齒白首兮矐然濟百世兮不足喜又  
何羨乎生同天聖人兮有道一日兮萬年慎毋兮逸志

方之外兮求神仙

涇州八景

瑤池夜月

何汝仁

山陰字  
匠山

皓月盈盈射錦塘九天蟾兔飲瓊漿蘭波蕩漾濯冰魄玉  
鏡森沉搖碧滄桃花春深飛鳳輦瑤池夜靜映蟾妝宮巒  
隱隱汭河北山紫煙凝不勝涼

涇水秋風

王令緒

福山字  
淑子

泠泠河水歛天標潦盡潭清涇路迢飄去黃花襯月艷飛  
來紅葉捲雲翹蟬笙幾口吹丹樹雁字數行寫絳霄一陣

秋風騰北岸岑樓何處玉人簫

古栢垂青

張延福

滿目烟霞繞古寺亭亭蒼栢是誰植千年野鶴來歸巢  
推曳蚪鱗騰羽翅

團團翠蓋搖晴烟十丈凌雲侵碧玉桃李東園一片春  
春來春去幾回綠

十月嚴霜野徑寒青青顏色似濃黛聞名說是唐朝栽  
爲問仙人誰記載

上下千尋耐雪侵孤芳素影從何始秋霖昨夜洗分明老

韓倒栽潭水底

汭干晚渡

乾隆壬戌進士鎮原知縣謝閻祚

四山煙靄正微茫汭水滔滔送夕陽幾章倦行思駐足一  
時逐隊競褰裳馬蹄似愛清流濯驢背遙分新月光轉眼  
江寒嗟病涉徒杠成後又與梁

宮山曉鐘

謝閻祚

推簾月色尚溶溶萬籟蕭然聽早鐘隔水一聲傳激越傍  
山萬木嚮玲瓏驚殘枕上華胥夢冷盡人間名利胷王母  
祠前花正放定應添得曉粧濃

高峰春雨

李瑾

嵯峨青嶂架寒煙一夜甘霖灑玉田  
回舁兩岩龍作帶洑涇萬壑地增泉  
蒼庚黃鳥兩聲裡青箬綠簑烟霧邊  
勝日憑高無限意桃花千樹開榆錢

共池湧碧

張培本 項城字甄陶

兼山

共池在兼山下寺名海印

東望海天孤中有靈池一鏡殊激浪跳

珠波斷續清風嗽玉沫霑柳邊曲徑飛鸚鵡花裡幽村

叫鷓鴣昔日共王曾駐輦翠煙一片遮回壩

百泉嗽玉

李廷夔 霑化

橋橫獨木渡寒溪竟日溯洄逐錦鶉蒲澗紅泉應不改  
浮翠羽夢全迷濺濺流水荷坡接隱隱連光玉露低  
萬縷烟霞芳草外牧牛人背夕陽西

張刺史李別駕新纂州誌告成書此誌喜

何汝仁 一字岩泉

雄驅全省控咽喉西去迢迢第一州  
文獻無徵嗟往哲蒐羅有待藉名流  
滌洞涇水懷間瀉層疊宮山筆底收  
聳得此方不朽業他年姓氏足千秋

其二

何汝仁

誰携班管大如椽刺史才兼別駕賢南董自來推信史康

韓康對山武功志韓五泉朝從此作陳編拾遺事向烟雲

覓擊節聲借金石傳愧我無能叅末議校讐猶喜與雕鐫

王母宮降真樹 并序 張延福

回巖王母宮簷前古栢一株名降真兩幹扶疎森

然逼座質枯而脉理則津津然活艤之有異香洵

三光只樹神靈之所憑依也癸酉秋日祗謁宮前

低徊樹下大有崧山朱實闕里文檜之思因援筆

作十二韻

以紀之

回巖聳峭壁古栢闕宮懸根植蓬萊地幹又日月天蒼森  
不染黛枯澹若叅禪色向青松秀神推碧棟鮮元精培自

固勁子凌無前悟此靈光意長隨法鏡圓

秋日登宮山 李瑾

回巖依涇水翠峽與天齊紅葉吟風日黃花捧露時何人

營畫閣終古自瑤池緩步清溪路琴樽寄遠思

秋日登高峰 李瑾

高峰百丈對城樓勝日登臨歎段遊水濶涇原鳴曠野天

低隴畔掛深秋層軒帶雨碧窓濕老樹經霜紅葉稠萬里

河山頻入目五雲多處是涼州

秋日過青溪嶺 即曲端擊 妻宿處 馬得亨

策馬青溪道空懷曲將軍風旗摧漢鼓霜劍掣邊雲叠嶽  
寒烟合攢峰朔氣殷昔年逐寇處橫岬帶餘曛

九日登嵩山

即南郭外高峰

劉慶雲

鶉觚郭外接嵩坪九日登臨又喜晴山到蕭關舍夕氣水  
回涇汭雜秋聲一天煙霧籠邊徼幾陣風雲繞戍城結伴  
同來携菊酒雁行西去復東橫

九日登官山

李廷蔚

北來嶺日轉飛蓬重九登臨王母宮  
桃花源着霜凋落葉瑤池灑露濕低叢  
魄淪曉霧迷懸磴目斷殘雲墜冥鴻滿袖

煙霞歸已晚長歌一曲版橋東

秋日安定懷古

諸詒孫

千載英豪盡孤城四望懸  
單于出塞日韓范輯邊年鵠印  
銜鈴閣龍韜播錦川層陰籠  
弁壘窮色變回巔振履空留  
信偷桃莫漫傳淫池飲翠色涇水澹  
虛煙仁杲雄圖遠醜奴霸業  
燭涼原憑弔處皓月橫秋天

薛舉城

張煥先

昔年擾擾風塵地回首凄迷幾斷腸  
破壘晚霞翻落綺殘籬新月照邊陲  
汭干霸氣一朝歇城圍

折城舉城名

雄圖兩世

忙豫信孤兒無寸土山河悔不蚤歸唐

朝那弔孫將軍

姚永和

將軍忠烈昭千古冷落邊關名姓香幾處煨燄燄燒未盡滿  
天燐火泣胥亡錦袍血灑同山紫鐵甲骨沉涇水黃耿耿  
丹心貫日月西風一弔一雷裳

過水泉寺有感

李渭蕃 州貢

水泉山麓寺半接涇之川余少嘗遊此人言非古先流光  
忽已逝屈指又多年斷壁平蕪盡殘碑荒梗連風來嶺外  
雨泥漫水中天岸柳埋初址池魚迷故淵僧房石磊磊繁

經州芊芊古栢伴空殿雲烟鎖野禪塵蒙仙梵裏香杳花  
宮前鐘韻絕晨嚮鳥聲離樹巔今看昔若此後視今依然  
荒廢滿終古蒼涼獨此間同山色不改涇水日東纏徂共  
人何在千秋徒自傳

青石嶺 即郭子儀擊吐蕃處

文效蘇 選拔

渺渺長坡落木殘驕戎驟馬據雕鞍烽煙幾縷笳聲徹為  
道汾陽登將壇

安仁谷 范仲淹奏遣宋良控守於此

文效蘇

烟波十里古長城 谷即古長城砦 落葉蕭蕭鐵馬鳴百萬軍于絕

幕處白雲青海一天橫

馬鞍坂

卽后秦將姚紹破赫連勃勃處

李植元

州庠

赫連才調自翩翩紫塞弔弓九萬 今日瞻腸傾玉坂驂

驅汗血可曾乾

羅漢洞

李植元

佛閣高浮碧水涯氛濃圍殿散晴霞登峰放眼藤蘿洞千

頃琉璃十丈花



